

Powšitkowne WOZJEWJENJA

njedźelu, 14. februara 2016

Duchowna hudźba k póstnemu časej

Koncert k póstnemu časej w rjedže „Duchowna hudźba“ budže tutu njedźelu, 14. februara, we 18 hodž. w Budyskej cyrkwi Našeje lubeje knjenje. Mjez druhim zaklinča marijanske kěrlušy a wšelake Ave Marije, kotraž zanjesetaj Anne Schierack (mezzosopran) a Benjamin Sawicki (pišćece). Wšitcy su wutrobnje přeprašeni.

Hłowna wólbna zhromadźizna TCM

Předsydstwo Towarstwa Cyrila a Metoda z.t. (TCM) přeprašuje wšitkich člonow towarstwa, člonow sekcijow a korporacijow kaž tež zajimowanych hosći na swoju hłownu wólbnu zhromadźiznu pónđzelu, 22. februara, do Radworja. Započnjemy we 18.30 hodž. z Božej mšu w cyrkwi. Přizamknje so zhromadźizna z wólbnu předsydstwa na farje. Sčehowacy dnjowy porjad je předwidžany:

1. zahajenje
2. wólbna nawody zhromadźizny
3. rozprawy předsydstwa, nawodow korporacijow a sekcijow
4. financna rozprawa
5. rozprawa rewizijneje komisije
6. diskusija a schwalenje rozprawow
7. wuzwolenje wólbneje komisije
8. wólbje předsydstwa a rewizijneje komisije
9. zakónčenje / modlitwa

Jurij Špitank, předsyda TCM

Do a po hłownej zhromadźiznje změja člonoyo składnosć, swój lětni přinošk we wysokosći pjeć eurow zapłaćić.

Putnikowanje swójbow

Putnikowanje swójbow ze serbskich wosadow do Róžanta budže třecu póstnu njedźelu, 28. februara. Božu mšu w hnadownej cyrkwi w 9 hodž. změje farar Beno Jakubaš.

„Njezranliwa? Čłowječa dostojnosć“

Lětuši rjad ekumeniskich póstnych seminarow w Smochčanskim Domje biskopa Bena steji pod heslom „Njezranliwa? Čłowječa dostojnosć“. Pónđzelu, 15. februara, je přeni přednošk k temje „Njezranliwy? Čłowjek“, kotryž změje profesor dr. Ulrich Willers z Eichstättu. Temje „Njezranliwej? Spočatk a kónc žiwjenja“ wěnuje so pónđzelu, 22. februara, profesor dr. Andreas Lob-Hüdepol z Berlina. Posledni wječor w rjedže lětušich póstnych seminarow budže pónđzelu, 29. februara, pod temu „Njezranliwe? Žiwjenje ze zbrašenjom“. Zawodny referat změje profesor dr. Ulf Liedtke z Lipska. Započatk je stajnje w 19.30 hodž. Mjez zarjadowarjami je Towarstwo Cyrila a Metoda z.t.

Komplet a tójšto wjace

Přeprošujemoj wšitkich młodostnych wutrobnje na přichodne zarjadowanja dekanatneje młodžiny w póstnym času, kotrež maja dušinemu natankowanju a rozmyslowanju słužić:

sobotu, 20. februara, w 21 hodź. – nócne modlenje w Ralbicach

sobotu, 27. februara, w 20 hodź. – komplet w Chrósćicach

sobotu, 5. měrca, w 20 hodź. – komplet (mision) w Kulowje

sobotu, 12. měrca, w 20 hodź. – komplet w Njebjelčicach

pjatk, 18. měrca, w 20 hodź. – nóc wujednanja w Róžeńće

njedźelu, 20. měrca, w 14 hodź. – křižowy puć w Pančicach-Kukowje

Po kompletach je stajnje něšto spřihotowane. Dajće so překwapić!

Póstny čas njech słuži tež jako přihot na Swětowe zetkanje młodžiny. Štóž ma hišće zajim, na zetkanje do Krakowa sobu jěć, njech so hač do soboty, 20. februara, w młodžinskim dekanatnym dušepastyrstwe přizjewi.

Leńka a Lucija, młodžinskej referentce

Bratrowstwo hraje w Njebjelčicach a Šunowje

Přichodnej předstajeni dźiwadłoweje hry „Hdyž kokula woła“ budžetej sobotu, 20. februara, w 19.30 hodź. w Njebjelčanskej „Bjesadze“ a njedźelu, 21. februara, w 16.00 hodź. w Šunowskej „Fabrikskej hospodze“. Dźiwadłowa skupina Bratrowstwa wšitkich wutrobnje přeprošuje.

Putniska jězba do Španiskeje a Portugalskeje

Wšitcy zajimcy su wutrobnje na putnisku jězbu z busom do Španiskeje a Portugalskeje přeprošeni, kotraž budže wot soboty do njedźele, 9. do 17. julija. Wopytaja Barcelonu z katedralu Sagrada Familia, španisku stolicu Madrid, Avilu a Albu – městnje skutkowanja swjateje Terezy z Avile – a znatej putniskej městnje Fatimu a Santiago de Compostela. Přizjewjenja su móžne pola Šmitec w Radworju, telefonowe čisło (03 59 35) 28 60 abo z mailku na adresu: email@schmidt-reisen-radibor.de.